



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boiarum, ac loca quædam vicina

Hund, Wiguleus

Monachii, 1620

Polling Monast. Canonicorvm Regvlarivm Ord. S. Avgvstini.

urn:nbn:de:hbz:466:1-13591

LVDOVICVS quartus Imperator dedit fratribus huius Aicheñ. ædis, propter fidelia seruitia & laborem in cingenda ciuitatis fossa, eam partem fossæ, quæ aream & domum suam circuit, permittens illis ibi portam facere, versus Alkesthausen, eamque meliori modo custodire, Anno 1321. vbi hodie sunt granaria & Principum & Scholæ Vniuersitatis Ingolstadiensis.

EST quoque alia domus fratrum Teutonicorum huius ordinis, intra muros ciuitatis Ratisbonensis, apud sanctum Egidium. De cuius institutione nihil vidi, neque inuestigare potui. Huius prædia atque redditus in Bauaria sunt sita. Inter alia Gras arx cum pertinentiis, prope Ratisbonam, Commendatores vocantur præfecti harum domorum, ac censentur inter alios Nobiles Bauariæ laicos eisdem priuilegiis & immunitatibus gaudentes, non inter Ecclesiasticos. De domo Ganckhouen eiusdem ordinis supra breuiter annotatum est.

POLLING MONAST. CANONICORVM
REGVLARIVM ORD. S. AVGVSTINI.

POLLING Monasterium fundatur pro sacratis Virginibus, vna cum aliis ^{Auent. fol. 291.} septem Monasteriis per Landfridum, Waldramum & Elilandum, fratres, Comites ab Antorf & Loyfa, vltius de ipsis in Monasterio Burenfi habetur. Tassilo Dux, filius Vitlonis, Pollingen & Wesselprunn ampliauit & instaurauit. Nam iuxta monumenta Pollingen. Tassilo Dux ibi venatus, cerua dum fugit canes insequentes, subito substitit, terram effodere nõ cessans pauida, terre factus Dux effodit crucem, tabula affixam, creditur esse cornu piscis, adhuc extat, sexto Calend. Maij, dedicatum à D. Bonifacio, Tassilo obiit Idibus Decembris, Anno 788. iuxta versiculum:

Idibus internis decessit ille Decembris.

DE VASTATUR vna cum aliis Monasteriis per Vngaros, Anno 973. postea ^{Auent. fol. 307.} per Heinricum sanctum reficitur & doratur, cuius diploma tale est:

IN NOMINE sanctæ & indiuiduæ TRINITATIS. Heinricus diuina fauente clementia Rex, Si Ecclesiarum Dei loca alicuius doni interuentu meliorare & ditare studuerimus, nobis id profuturum esse minime dubitamus. Quapropter omnium Christi fidelium, præsentium atq; futurorum nouerit vniuersitas, qualiter nos diuini amoris instinctu ac remedio animæ nostræ, siue interuentu atq; petitione Engelberti, Episcopi Frisingensis Ecclesiæ, tale prædium, quale in villis, Pollinga, Weilhaim, Vbingen, Rieden, Ainsterin, Aschering, Hochenwanc, Pfaffenhouen nominatis, Monasterio in honore S. Saluatoris Domini nostri Iesu Christi, in eadem villa Pollinga constructo, prius pertinere videbatur, situm in Comitatu Alberonis Comitis; In pago vero Houfi, & postea in beneficium datum multis fuit, nunc etiam cum omnibus eius pertinentiis seu appendiciis, aræis, ædificiis, pratis, pascuis, &c. quæ sitis & inquirendis, atq; cum familiis vtriusq; sexus, siue cum omnibus, quæ quolibet modo dici aut nominari possunt vtilitatibus atque cum cõtalibus, decimationibus, in illis duabus villis, Vbingen & Ascheringen dictis, per hanc nostram regalem paginam corroborando & confirmando ei Monasterio, ad vsum & stipendia fratrum inibi Deo famulantium integrè concedimus atq; largimur, ac de nostro iure ac dominio in eius ius & dominium transfundimus.

SIGNVM D. Heinrici, Regis inuictissimi, Guntherius Cancellarius vice Willigisi Archicapellani notauit. Datum 16. Calend. Maij, Indictione octaua, Anno 1010. Anno vero Domini secundi Heinrici regnantis octauo. Actum Regenspurch feliciter. Amen.

Metrop. Salib. Tom. III.

k 3

Ex

Ex quo apparet tempore huius restitutionis ibidem fuisse fratres. Scribit Auencinus in Annalibus suis, fol. 292. Polling & Schleichdorf ab Vngaris afflicti, amotis illis fratribus, mystæ D. Aurelij Augustini sunt & nominantur. Fuerunt nihilominus ibidem etiam Moniales, sicut in plerisque aliis, quas Gisala Imperatrix, Conradi Salici vxor, quæ obiit, sexto Calend. Februarij, Anno 1041. 42. vel 43. eiecit ex isto loco, substitutis Canonicis.

ADVOCATIA huius Cœnobij à primis fundatoribus data fuit Episcopis Brixinensibus, qui eam administrarunt, vsq; ad Hartmannum Episcopum, qui contulit iure feudali dictam Ecclesiam, quod nimis remota erat Heinrico Duci Bavarix, & Saxonix protegendam. Diploma extat.

IN NOMINE sanctæ & indiuiduæ TRINITATIS, Henricus diuina clementia Bavarix & Saxonix Dux, &c. ait, se Aduocatiam Monast. Pollingen, petitione Præpositi & fratrum accepisse, feudali iure, ab Hartmanno Episcopo eo pacto, ne alicui ipse, aut Successores alij eandem tradant, sed immediate Ducibus subiectum sit. Quod si nos, aut Successores nostri aliter egerint, alium eligant Aduocatum, nec grauaabit nouis exactionibus: Testes, Fridericus Pala. Comes, Marchio Berchtoldus, Adelgoz Augustensis Aduocatus, Eberhardus de Vrichendorf, Henricus de Wida. Acta sunt hæc, Anno Domini 1160. Indict. 7. Anno Imperij Domini Friderici, inuictissimi Romanorum Imperatoris VI.

*Ex libro
Monasterij
in Dieth-
rauszell.*

CIRCA Annum 1300. infra spacium 20. annorum, propter nimias exactiones Principum & Aduocatorum, infra scripta Cœnobia sanctimonialium ad rantam paupertatem redacta sunt, vt intrarent claustrum sancti Laurentij in Peurn, ordinis sancti Benedicti, nempe claustra Polling, Raitenpuech, ordinis sancti Augustini, videlicet regularium Canonicorum, & claustrum ordinis Præmonstratensium etiam Monialium in Staingaden, &c.

BENEFACTORES MONASTERII POLLINGENSIS.

*Ex rapso-
dis Auent.
Schwaig* **A**NNO Domini 1163. Hartmannus Brixinensis Episcopus, in die inuentionis sanctæ Crucis, rediens à curte regali Friderici Imp. quæ habita Moguntix, cum & ipsa destructa est, tradidit Pollingen. prædium suum in Obroluing situm vnum mansum, accepit prius Arnoldus, miles Lornandi, à fratribus non in beneficium, sed in seruitium more coloni.

WERNHERVS Nobilis tradidit prædium Magnibach, Testes Odalchalcus de Walheshufen, frater Wito cum 7. filiis.

NOBILIS Wernhardus prædium Rieth tradit, acceptum à Reginberto Episcopo Brixinensi, & eius Aduocato, Arnolpho Comite: Testes, Conradus Scifridus de Weilheim.

BECILIVS de Kirchdorf tradit hæc, Wigefviler & Lancvate permissione Guelphonis Ducis: Testes, Henricus Decanus de Nazzenburen.

BERNHARDVS Aduocatus Pollingensis tradidit mansum in villa Hering pro calice ablato, Hilreberto Præposito.

CONRADVS Comes & Dux de Dachau, tradidit Odrating, per manus Conradi Comitis de Vallai: Testes, Dux Welfo senior, Arnoldus Comes de Dachau, Otto Comes de Vallai, Wolstrigl de Königsvvifen, Otto de Alcham, Degenhart de Sephelt, de familia Com. & Ducis.

IDEM Conradus Dux de Dachau tradidit Rumne (*Reit im Jntal bey Hall*) Testes, Bernhardus de Rotese, Albertus Comes de Tyrol.

WELPHO Dux tradidit mansum Winchele, qui fuit Vdalrici de Egilinge per manum Popponis, Com. de Andechs. Testes, Henricus Herman de Ramin-
gen,

gen, Berchtoldus Com. de Andechs, Henricus Com. de Wolfrateshusen, Albertus Comes Tyrolen. Gotfridus Comes & Reinbertus de Rumesberch, Eginus Comes de Nifen.

HEINRICVS Dux Bauariæ & Saxoniz iudicio adiudicauit Riet, lis erat inter Polling, & Henricum de Hocheuanc, Iudex cum Duce Berchtoldus, Com. de Andechs. Testes, Fridericus & Otto Palat. de Witelinespach, Henricus Præfectus de Regenspurg, Henricus de Stoufen, Dietricus eo tempore Præpositus Ducis, H. de Cohnunoshusen. Post hæc accepit de manu fratrum ad seruitium trium denariorum vsq; ad obitum Gisalæ Ministerialis Brixinen. Ecclesiæ. Gesta sunt hæc anno Christi 1162. quo destructum est Mediolanum & celebratum Concilium in decollatione S. Ioannis Baptistæ in Episcopatu Bisuntini super fluum Saona, cui interfuit Fridericus Imperator, Ludouicus Rex Franciæ, Henricus Dux Saxoniz & Bauaria.

FACTVM iudicium in castro Landespurch, coram Principibus supra nominatis, cum quibus ipse Dux Concilio Vefontionensi seu Bisuntini interfuit, &c.

FRATER Albertus, Ep̄s quondam Ratisbonen. Apostolicæ sedis auctoritate Crucis prædicator per Alemaniam & Bohemiam, pro subsidio terræ sanctæ, vniuersis Christi fidelibus in Domino salutem, 40. dies indulgentiarum donat Pollingensi Templo, in festo exaltationis S. Crucis & innocentum, atq; dedicatione. Datum Pollingen, anno Christi 1263. tertio Non. Maij. Extat ibidem priuilegium: In quo Elisabetha, Dei gratia, Regina & Comitissa Goricens. atq; Tyrolensis, Monasterium illud Portorij, Passeri, Stiracij, Oenobrige, hoc est, Passier, Stertzing, Inspruck, immunes esse iubet, Anno 1263. 4. Calen. Octobris. Fuit hæc Elisabetha filia Ottonis, Ducis Bauariæ, Soror Ludouici & Henrici, &c. vxor quondam Conradi Regis Rom. filij Frider. II. postea verò Menardi Comitis Goricens. atque Tyrolen. quæ nihilominus priori Regiæ titulo vsa est.

Auth. V. h.
7 fol. 700.

Auth. V. h.
fol. 701.

S T A T V S

E T

Beneficia Fundatoris Monasterij in Polling.

Nouerint certo testimonio scripturarum Christi Fideles vniuersi *Tessilonem* huius Ecclesiæ clementissimi *Saluatoris* in *Polling* ordinis sancti *Augustini* fundatorem. Hunc *Tessilonem* primo fuisse Ducem *Bauariæ*, postea * Regem *Lombardiæ*, postremoque Monasterium in *Lavvissa* ordinis sancti *Benedicti* videlicet conuersum, iam verò prælibatum *Tessilonem* vt diximus, primo fuisse Ducem *Bauariæ* ex nobili prosapia oriundum, videlicet filium sororis *Caruli Magni* quondam Imperatoris didicimus, qui Domino fideliter deseruiens in Cœnobis construendis vt pote primo in *Polling* Ecclesia sancti *Saluatoris*, ordinis S. *Augustini*, & in aliis pluribus cœnobis, scilicet in *Weslesbrunnen* ordinis S. *Benedicti*, in *Chim* Ecclesia ord. S. *Benedicti*, in cuius Ecclesia Dei virginum habitatio, defensoremque viduarum & orphanorum, iudicē strenuū, in elemosynis largū. Hic verò deuictus precibus iam dicti *Caruli* Imp. auunculi sui ad debellandum *Lombardiæ* proficiscens cunctisq; inibi prosperè succedentibus genti iam supernominatæ ab Imperatore in Regem præficatur. Qui etiā heu postmodum consilio incolarum illius terræ deprauatus auunculo suo *Carulo* Imp. se opposuit, à quo non post multum temporis elapsū in prælio publicè cum suis deuincitur, vineulis mactatur, & per duarum peluium ignitarum inspectionem excecatur. Qui poenitentia ductus ad petitionem Principum absoluitur, & liberè quocumque discurrere vellet ire permittitur, iam vero bonæ memoriæ dictus *Tessilo* ob

k 4

spem

spem futurorum prospera cuncta mundi despiciens *Laurissam* deuenit, ibique sub specie pauperis habituque religioso & ab omnibus ignotus vsque ad extremum vitæ suæ terminum permanfit. Post multorum vero annorum curricula iam sæpe supradictus *Carulus* Imperator auunculus eiusdē *Tesilonis* ad Ecclesiā *Laurisensem* peruenit, ibique vna noctium more solito orationi vacans *Tesilonem* lumine carentem per manus angeli de ara ad aram cum summa reuerentia deduci. Imperator summo diluculo surgens patrem Ecclesiæ aduocat, diligenterque sciscitatur, quisnam sit cui tanta beneficia ab angelo impensa fuissent, qui se ignorare respondit. Sequenti nocte Abbas vna cum Rege beneficia iam prælibato *Tesiloni* ab Angelo impensa providere promeruit. Cum vero Dominus creator, reformator, & remunerator omnium hunc famulum suum post longam carnis macerationem, voluntariam paupertatem, nec non laudabilem vitam de hoc sæculo eripere decreuisset, febre corripitur, & à viris religiosis corpore & sanguine Domini nostri *Iesv* Christi procuratur, sanctoque oleo inunctus contestatus vitæ suæ originem illis innotescere, qui grauius suspirans singula per ordinem eisdem enarrauit. Hic verò svveticis ordinationibus insistendo feliciter migravit ad Dominum, ad cuius tumbam Dominus per merita famuli sui, cunctis eius auxilium implorantibus quam plurima beneficia vsque in præsens impertiri non dedignatur. Horum beneficiorum testimonia perhibent in *Laurissa* adhuc præuientes.

IN nomine sanctæ & indiuiduæ Trinitatis. *Henricus* diuina clementia *Bauarix* atque *Saxonum* Dux. Quotiescunque super ecclesiasticis negotiis religiosorum petitiones admittimus, à Christo cuius ministri sunt deuotionem nostrā remunerari non dubitamus. Quapropter notum esse volumus, tam præsentis quam futuri temporis Christi fidelibus, quod nos ad petitionem Præpositi & fratrum *Pollingensis* Ecclesiæ aduocati eiusdem loci à Domino nostro *Hartmanno* venerabili sanctæ *Brixinensis* Ecclesiæ Episcopo feudali iure recepimus, eo nimirum tenore, vt nunquam à manu nostra vel hæredum nostrorum ad subaduocatos vel vicarios beneficii iure descendat, sed personaliter ditioni ac protectioni nostræ pertineat, & si forte in aliquo casu hoc per nos vel per legitimos successores nostros immutari contigerit, prædicti fratres reclamandi & alium sibi aduocatum eligendi liberam habeant facultatem, factumque existimatione careat. Præterea decernimus nullam exactionem vel paratam à nobis vel à Vicario nostro seu hæredum nostrorum inibi fieri, nisi iuxta antiqua iura & Constitutiones Imperatorum vel Regum. Emolumentum enim nostrum vita æterna. Vt ergo huius deliberationis vel constitutionis nostræ solemnitas rata permaneat, chartam hanc conscribi & sigillo uostro insigniri iussimus. Testes verò qui huic actioni intererant hi sunt. *Fridericus* Palatinus Comes. *Marchio Bertoldus*, *Adelgor Augustensis* aduocatus, *Eberhardus de Vrichentborp*, *Henricus de Wida*.

Acta sunt hæc anno dominicę incarnationis Millesimo Centesimo LX. Indictione VII.

Anno Imperij Dñi *Friderici* inuictissimi Rom. Imperatoris VI.

FRater *Albertus* Episcopus quondam *Ratisponensis* Apostolicę sedis auctoritate crucis prædicator per *Alemanniam* & *Boemiam* pro subsidio terrę sanctę vniuersis Christi fidelibus in Domino salutem. Sanctorum meritis inclita gaudia Christi fideles assequi minimè dubitamus, qui eorum patrociniā per condignę deuotionis obsequia promerentur, illumque venerantur in ipsis, quorum ipse

ipse gloria est & retributio meritōrū. Nos igitur ad consequenda prædicta gaudia causam dare fidelibus cupientes omnibus verè contritis & confessis, qui monasterium in *Pollingen*, in inuentione ac exaltatione sanctæ Crucis & in dedicatione eiusdem, cum reuerentia & deuotione accesserint, de omnipotentis Dei misericordia confisi, quadraginta dies de iniuncta sibi penitentia misericorditer relaxamus. Datum apud *Pollingen* anno Domini Millesimo Ducentesimo LXIII. III. Non. Maij.

NOS *Elisabetha* Dei gratia Regina & Comitissa *Görzensis*, ac *Tyrolensis*, notum facimus vniuersis in *Passau*, in *Storzingen*, & in *Innsprug* Thelonariis, quod nos ob reuerentiam sancti *Saluatoris*, venerabilem Præpositum, & Contentum in *Pollingen* hac preuenimus gratia & fauore, quod singulis annis LXXX. equos vinum eorum portantem, sub nostra protectione pertransire dimittimus sine theloniæ exactione, per terminos nostræ ditionis, vnde ne aliquis ipsos contra hoc mandatū impedire vel molestare præsumperit, eis hanc litteram dedimus, nostri sigilli munimine roboratam, Datum anno Domini M. CC. LXIII. quarto Kalend. Octobr.

Catalogus Præpositorum Monasterij *Pollingen-*
sis qui haberi potuerunt.

Aribo Præpositus obiit die *Matthæi* Apostoli.

Herrich Præpositus obiit die *Julianæ* Virg.

Arnoldus Præpos. præfuit circa an. Dñi 1073.

Hiltipertus Præpositus & Archipresbyter, qui specialis ordinis reparator fuit, obiit altera *Nicolai*.

Chuno Præpositus piæ memoriæ obiit circa ann. Dñi 1147.7. Id. Martij, & præfuit annos 44.

Chunradus Præpositus huius loci piæ memoriæ, obiit anno Domini 1180. qui hanc Ecclesiam libris & sacris vestib. diligentissimè decorauit, & iste *Chunradus* fuit Canonicus nostri Monasterij *Pollingensis*, vir vitæ venerabilis, strenuus, fidelis, prudens, & familiaris, Capellanus Beati *Hartmanni Brixinensis* Episcopi, sibi ad eò fideliter & constanter rigido animo assistendo, vt propter seueritatem morum alter Episcopus, vel Magister Episcopi diceretur. Huius quoque consilij & piæ voluntatis affectu fabrica in *Nouacella* initium accepit. Mortuo igitur *Chunone*, eiusdem nostri loci Præposito, *Chunradus* iste Præposituræ illius dignitatem, licet inuitus, suscepit, vbi venerabiliter degens, Deoque deuotè seruiens Christo, religiosam vitam beato fine conclusit, anno quo supra, die verò animarum S. altera Nouembr. & præfuit prælaturæ 32. annos.

Ex membrana antiqua de sancto

Hartmanno.

Dedicatio altaris sanctæ *Mariæ*

Magdalene.

ANNO ab incarnatione Domini M. C. LX. indict. VIII. 3. Nonas. Nouemb. dedicatur hoc altare à venerabili sanctæ *Brixinensis* Ecclesie Epō *Hartmanno* in honorem sanctæ Dei genitricis *Mariæ* V. SS. apostolorū *Simonis* & *Iudæ*, SS. Mart.

Alexan.

Alexandri, Felicissimi, Sifinnij, SS. Confessorum Germani, Felicis, SS. Mariae Magdalena & Anastasia Virg.

Dedicatio Altaris sanctæ Crucis.

ANNO ab incarnatione Domini M. C. LX. indictione 7. 3. Nonas No-
uembr. dedicatum est hoc altare à venerabili S. *Brixinensis* Ecclesiæ Episco-
po *Hartmanno* in honorem S. Dei genitricis *Mariæ, SS. Apostolorum Andreæ & Ia-
cobi.* Continentur autem de ligno in quo passus est S. *Andreas.* & reliquiæ SS. mar-
tyrum *Georgij, Vitalis, Cassiani, Colomanni, SS. confessorum Ingenuini, Albuini, Gi-
silarij, SS. virginum Eusemiæ, Walburgæ.*

Perchtoldus Præpositus cum Prælaturam suscepisset, rexit annos 32. & mo-
ritur altera die *Gertrudis* anno 1212.

Eglo Præpositus cœnobij huius obiit anno 1224. die S. *Anne,* sui regiminis
fuerunt, 12.

Mangoldus Præpositus huius loci obiit anno 1226. 14. Kalend. Aprilis. rexit
annos duos.

Heinricus Præpositus præfuit 21. migravit à sæculo die *Albani* martyri:
anno 1247.

Dietricus Præpositus cum præfuisset an. 7. moritur an. Dñi 1254. die *Seuerini*
Episcopi.

Guntherus Præpositus rexit Monasterium annos 18. & defunctus die *Hypo-
lyti* anno Domini 1272.

Hermannus Præpositus sumitur in Abbatem Monasterij *Fürstfeld,* & aquæ
ductum ex fluuio *Amera* per Monasterium struifecit.

Heinricus Præpositus antedicto subrogatur & cum rexisset annos 6. defun-
ctus est pridie *Kunegundis* an. Dñi 1279.

Chunradus Præpositus dictus *Amsinger* vita, doctrina & moribus insignis ha-
bitus, ita ut in vna litterarū B. *Chunradus* vocaretur præfuit annos 34. laudabili-
ter, obiit circa annum Dñi 1313. die SS. *Fabie & Sebast.*

Heinricus Præpositus rexit Monasterium an. 21. & moritur. 13. Kalend. Apri-
lis anno 1334.

Chunradus Præpositus cum rexisset annos duos moritur an. Dñi 1336.

Vlricus Præpositus præfuit annos 5. & defunctus est anno Domini 1341. 7.
id. April.

Heinricus Præpositus ob. an. Domini 1345. die 17. Maij cum rexisset annos
quatuor.

Chunradus Præpositus, dictus *Schondorffer* clarus sanguine, industrius & val-
dè utilis ditando Monasterio, præfuit annos 36. moritur die *Margaretha* Virg: &
martyri: anno Domini 1382.

Vdalricus Præpositus, dictus *Kalckmair,* qui & gradualia & antiphonaria scri-
bi fecit, præfuit annos 22. & defunctus est die *Felicitatis & Perpetuæ* anno Domi-
ni 1404.

Wilhelmus Præpositus, dictus *Daberzhouer,* rexit annos 19. & circa annum
Domini Millesimū Quadragesimū XIV. incendio periit totum *Pollingense*
Monasterium: cedit tandem Prælaturæ & moritur *Tecla* Virgin: anno Domi-
ni 1434.

Vdalricus Præpositus dictus *Schüz,* præfuit annos 27. hic post ruinam, pro-
ut potuit templum ædificiaque alia reparavit, moritur die *Simonis & Iudæ,* anno
Domini M. CCCC. L.

Ioann -

Iohannes Præpositus dictus *Mairhouer* rexit annos quatuor, obiit 2. Idus Martij an. Dñi 1454.

Ioannes Vend Præpositus, vir multum vtilis Monasterio, extruxit quidem inter alia plurima ædificia Sacellum S. *Wolffgangi* cum piscina ibidem, præfuit laudabiliter annos 37, & obiit Kln. Ianuar. an. 1491.

Michael Præpositus, dictus *Spett*, vir integer & bonus, præfuit an. 8. & strui fecit piscinam in *Stadl*, moritur 23. Kln. Septemb. an. 1499.

Ioannes Zingesser ob. an. 1523. 8. Feb. vir admodum frugi Monasterio, illudque religione, ædificiis, libris, & redditibus auxit, piscinam *Nusperg* struxit, Capas mutauit, rexit bene annos 23.

Ioannes Vend Præpositus, vir benignus & bonus, hic strui fecit templum diuæ *Virg. Mariae* monstrabile, etiam infirmarium horti, superius reformauit molendinum, rexit bene an. 7. ob. 4. Kln. Iunij an. Dñi 1530.

Chunradus Hârtl Præpositus huius loci, obiit anno Domini 1531. 18. Calend. Octob. Idem Præpositus in Prælatura præf. an. & 9. hebdomadas, & in Decanatu 27. annos.

Gregorius Pez Præpositus, Prælationis culmen prouida sollicitudine per triginta & vnum integrum annum tenens, moritur 8. idus Augusti, anno Christiano 1562.

Erhardus Eijrl Præpositus, præf. an. 9. & onus Prælaturæ causa senectutis resignauit, anno Domini 1571. die 25. Iulij. & è vita discessit Nonas Martij 1573.

Iacobus Schvartz Præpositus, cum rexisset Monasterium *Pollingense* an. 20. moritur anno Christi 1591.

Casparus Leis Præpositus præf. annos viginti quinque, & moritur Idib. Febr. an. à Christo nato 1616.

Cui successit R. P. *Chilianus* qui hodie *Pollingense* cœnobio cum laude præest,

P R V E L.

MONASTERIUM prope Ratisp. ordinis Carthusianorum. Gebhardus² Ep̄s Ratisponensis, primus huius nominis, non secundus, Com. de Hohen-^{Auent. 882.}
^{1. fol. 507.}
vvarth familiæ Andecensium, fundo Pruel prope Ratisbonam, per commutationem à Monasterio S. Emerani acquisito, instituit ibi Monasterium S. Benedicti ordinis, an. 997. sub Ottone tertio Imperatore.

CONRADVS secundus Imperator dono dedit huic Monasterio agrum contiguum, vbi nunc est villa & Hoffmarchia, dicta Kumpfmül. an. 1036.

EPISGOPi Ratisp. prætendebant aliquando ius ad dictam Hoffmarchiam, volentes eam trahere ad suum iudicium, quod *Drobstrecht* vocant, instituta quærela, de hac re coram Concilio Basiliensi, per Fridericum Episcopum, ann. 1445. Sed relictus est Abbas in sua quietâ possessione vsq; nunc, Hartvvicus Episcopus cœptum hoc ruinosum Monasterium restaurauit, & sub Abbate eius loci septimo Ruthardo consecrauit, circa annum 1106.

HEINRICVS Episcopus Ratisbonensis impetrauit à Gebhardo, Comite de Kregling, quatenus Aduocatiâ illius Monasterij, quam idem Comes ab Episcopo in beneficium habuerat, deinde commendatam certis modis haberet, vt de agris Monasterij infra miliare vnum nihil pensionis exigeret, resignato omni iure placidationis infra ambitum Monasterij. Prædia vero de nouo acquisita vel acquirenda idem Episcopus, consentiente Comite prædicto, commendauit

Heinri.